

Resolución de la Moceda Comunista sobre los fueos nos montes d'Asturies



Siero, 4 de Payares de 2017

Hai poco más de quince díes, el 16 d'ochobre, Asturias despertó enllena fumu por cuenta de los más de trenta fueos que taben quemando los nuegos montes, xunto col montón d'ellos que taben abrasando Galiza y el norte de Portugal.

Primero de too, ye la nuesa obligación y la nuesa necesidá solidarizamos coles families de les víctimes mortales qu'hubo en Galiza y Portugal, asina como con tola xente que, tanto ehí como equí, n'Asturies, perdió les sos cases o les sos propiedaes, y tamién con toes aquelles persones, profesionales o non, que tuvieron lluchando escontra les llames y poniendo la so vida en peligru.

Tamién por solidaridá y compromisu, ye la nuesa obligación la d'analizar cómo pue ser que'l fueu arrase Asturias un añu sí y otru tamién, ensin que se faga nada pa remedialo. Nun podemos cayer na facilidá de señalar namás una Llei de Montes que, anque ye criminal, poco pue tener que ver cola mayoría de fueos n'Asturies, pero eso nun quier dicir que nun haya responsabilidaes polítiques.

Nun hai duda de que los fueos fueron provocaos y los motivos pa facelo puen dir dende comportamientos pirómanos hasta intereses económicos (contratos cola alministración, actividaes madereres, práutiques agraries odioses, etc.), pero ye difícil asegurar a cuál mos enfrentamos. Lo que sí ta claro ye que'l monte quema por munches más razones que pola de prender el fueu en sí.

El monte asturianu ta abandonáu por cuenta de que la xente de les zones rurales nun tien más opción que marchar por falta d'oportunidaes y poles torgues que l'alministración-yos pon pa facer cualquier cosa, y esto tien como consecuencia que nun haya casi ganadería que mantenga'l monte llimpiu. Además, en favor de delles empreses, ta enllenándose Asturias d'ocalitos, que dexen el suelu nun estáu perllaceriosu y, encima, quememuncho meyor que les especies autóctones.

Si nun fuere poco con potenciar les condiciones perfeutes pal fueu, nun se cuenta tampoco con medios pa face-y frente, como vienen denunciando dende'l cuerpu de Bomberos d'Asturies hai yá tiempu, y les consecuencias d'esto, por desgracia, yá les conocemos.

Dende la Moceda Comunista, aparte de sofitar les reivindicaciones de les profesionales qu'arriesguen la so vida frente al fueu, apostamos por una

Asturies na que les zones rurales seyan tn importantes como les urbanes y la xente mozo tenga oportunidaes de trabayu y d'espardimientu, ameyorando les infraestructures y les comunicaciones, y na que se valore que'l sector primariu ye fundamental y que tien que ser xestionáu pol pueblu asturianu de manera sostenible, segn los sos intereses, disminuyendo d'esa forma les posibilidaes de que quemem los nuegos montes.